

# PERBARISAN PENYAMPAIAN SAYAP PENERBANGAN SIRI 78/15 DAN SIRI 57/16

[airforce.mil.my/berita/acara-rasmi/1832-perbarisan-penyampaian-sayap-penerbangan-siri-78-15-dan-siri-57-16](http://airforce.mil.my/berita/acara-rasmi/1832-perbarisan-penyampaian-sayap-penerbangan-siri-78-15-dan-siri-57-16)

ALOR SETAR, 25 Apr 17 – Panglima Tentera Udara, YBhg Jeneral Dato' Sri Hj Affendi bin Buang TUDM bersama isteri YAM Tengku Puteri Seri Teja Pahang Hjh Tengku Muhaini bte Sultan Hj Ahmad Shah menghadiri Majlis Penyampaian Sayap Penerbangan kepada Para Pelatih Juruterbang yang berjaya menamatkan kursus di Pusat Latihan Terbang Satu (PULATIBANG 1), di Kolej Tentera Udara, hari ini.

Seramai 31 Pegawai Muda TUDM telah dianugerahkan Sayap Penerbangan TUDM setelah berjaya menamatkan Kursus Asas Penerbangan Siri 78/15 dan Kursus Asas Peralihan Helikopter Siri 57/16 di Pusat Latihan Terbang (PULATIBANG) Kolej Tentera Udara.

Perbarisan ini dimulakan dengan perbarisan berjalan lalu di dalam masa perlahan dan cepat jalan diikuti pemeriksaan perbarisan dan penyampaian sayap penerbangan oleh YBhg Panglima Tentera Udara kepada pelatih-pelatih Juruterbang. Perbarisan mempersembahkan Hormat Panglima diiringi dengan lintas hormat tiga buah helikopter jenis EC 120B dan lima pesawat Pilatus PC-7 MK II.

Turut hadir dalam majlis sama, Panglima Pemerintahan Bantuan Udara, YBhg Lt Jeneral Dato' Paduka Wan Normazlan bin Che Jaafar TUDM, Panglima Pemerintahan Pendidikan dan Latihan Udara, YBhg Mej Jeneral Datuk Hj Romlee bin Yahaya TUDM, Pegawai-pegawai Kanan dan Keluarga Pelatih-pelatih.



